

PM MKB

وزیر اعظم نریندر مو دی آج سویرے 11 بجے آکاشوانی ور ”من کی بات“ پروگرام مانہ ملک تے بیرون ملک مانہ بھارتیاں سنگ اپنا خیالات سانجھا کریں گا۔ یاہ مانہ ریڈیو پروگرام غی 123 ویں قسط وے گی۔ یوہ پروگرام تمام آکاشوانی، دور درشن نیٹ ورک، اے آئی آر نیوز ویب سائٹ تے نیوز آن انر موبائل ایپ تیں نشر کیو جائے گو۔ اس غے علاوہ ڈی ڈی نیوز، پی ایم او تے اطلاعات و نشریات غی وزارت غا تمام یوٹیوب چینل تیں وی یوہ پروگرام براہ راست نشر کیو جائے گو۔ اس پروگرام غی ہندی نشریات تیں فوراً بعد آکاشوانی اس پروگرام مانہ علا قانی زبانان مانہ نشر کرے گی۔

LG Amarnath

لیفٹنٹ گورنر منوج سنہا نے آئندہ شری امرناتھ جی یاترا واسطے کیا وا انتظامات بارے تبادلہ خیال کیو تے سول سوسائٹی تنظیمان، مذہبی رہنماواں، منتخب نمائنداں، تاجراں تے کا روبا ری طبقہ نال میٹنگ کی ہے۔ اس میٹنگ مانہ وزیر اعلیٰ عمر عبداللہ، چیف سیکریٹری اٹل ڈلو تے دوجا سینئر عہدیداراں نے شرکت کی ہے۔ ایل جی نے بکھ بکھ طبقاں غا لوکاں غی طرفوں دتی گئی رائے غو خیر مقدم کیو تے یا ترا نانہ بہتر طریقہ نال انجام دین مانہ اُن غو تعاون تے شرکت طلب کی ہے۔ ایل جی نے کہیو جے شری امرناتھ جی یاترا اصل مانہ لوکاں غی یاترا ہے تے ہر شہری اک اہم فریق غے طور ور اس مانہ اپنو کردار ادا کرے۔

Div Com IGP Final Arrangements

صوبائی کمشنر جموں رامیش کمار تے آئی جی پی جموں بھیم سین ٹوٹی نے جموں مانہ بھگوتی نگر یا تری نواس تے ریلوے اسٹیشن سمیت اہم مقامات ور شری امرناتھ جی یاترا 2025 غا حتمی انتظامات غو جائز و لیو۔ اُنہاں نے یا تری نواس بھگوتی نگر غو دورو کیو تے ا ت یا تریاں واسطے دستیاب مجموعی سہولیات غو معائنو کیو۔ اس غے بعد صوبائی کمشنر تے آئی جی پی نے محکمان غا سربراہان، متعلقہ محکمان غا سینئر عہدیداراں تے حفاظتی دستاں نال میٹنگ غی صدارت کی۔ اُنہاں نے ہر متعلقہ محکمہ غی طرفوں کیا گیا حتمی انتظامات غو جائز و لیو۔

CM Golf

وزیر اعلیٰ عمر عبداللہ نے جموں کشمیر نانہ ملک غا اولین گولف مقامات وچوں اک اہم مقام بنان واسطے اپنی حکومت غا عزم نانہ فر دہرایو ہے۔ سرینگر مانہ قومی سطح غا گولف کھیڈ مقابلان غے بعد انعام تقسیم کرن بارے تقریب غے دوران خطاب کرتاں واں وزیر اعلیٰ نے کھلاڑیاں غو خیر مقدم کیو تے تقریب غا انعقاد واسطے ایف آئی سی سی آئی غو شکریو ادا کیو۔

انہاں نے خاص طور ور حالیہ مسائل غے بعد خطہ مانہ سیر سفاح غی تصویر نانہ دوبارہ بنان مانہ ات آن آلا سیلانیان غا تجربات غی طاقت نانہ استعمال کرن ور زور پایو۔ گلمرگ، سرینگر تے جموں مانہ گولف کورسز ور جاری کم نانہ اُجاگر کرتاں واں وزیر اعلیٰ نے عالمی معیار غی سہولیات غی پیشکش تے جموں کشمیر نانہ گولف غو اک اہم مقام بنان واسطے مسلسل کوششاں غو یقین دوايو۔

Rana Dachigam

جموں کشمیر غا محکمہ جنگلات نے مرکزی وزارت برائے ماحولیات، جنگلات تے موسمی تبدیلی غے تحت جنگلی حیات وائلڈ لائف انسٹی ٹیوٹ آف انڈیا غی طرفوں منعقدہ انتظامی تاثر غی تشخیص مشق مانہ ڈاچی گام نیشنل پارک واسطے 92.97 فیصدی نمایاں اسکور حاصل کیا ہیں۔ وزیر جنگلات جاوید احمد رانا اس شاندار کامیابی ور محکمہ جنگلی حیات غا افسراں غی سراہنا کی ہے۔ انہاں نے اس کامیابی نانہ ماحولیاتی لحاظ نال کمزور جموں کشمیر غا دوجا محفوظ علاقان مانہ نقل کرن واسطے اک معیار غے طور ور دسیو۔ ڈاچی گام نیشنل پارک ملک پھر مانہ 438 محفوظ علاقان وچوں سب تیں زیادہ اسکور حاصل کرن آلو انفرادی محفوظ علاقوں غے سامنے آيو ہے۔

CS Family IDS

چیف سیکریٹری اٹل ڈلو نے کل سول سیکریٹریٹ سرینگر مانہ اک اعلیٰ سطحی میٹنگ غی صدارت کی تانجے جموں کشمیر مانہ ہر گھر واسطے منفرد فیملی آئی ڈی بنان غی بنیاد رکھی جا سکے۔ اس اہم قدم غو مقصد عوامی خدمات غی فراہمی نانہ ہموار کرنو، مستفید ہون آلاں تک رسائی بدھانو تے سرکاری محکماں مانہ منصوبہ بندی تے نگرانی واسطے سچائی غا اک متحد ذریعہ غے طور ور کم کرنو ہے۔ میٹنگ مانہ چیف سیکریٹری نے فیملی آئی ڈی نظام غی تبدیلی غی صلاحیت ور زور پایو۔ انہاں نے اظہار خیال کرتاں واں کہیو جے فیملی آئی ڈیز بنان نال عوام مانہ مہاری آن واسطے بھلائی بہتری غی اسکیمیں بارے بیش قیمتی جانکاری آسانی نال مہیا کی جا سکیں گی۔

Ramban Tribal

ضلع انتظامیہ رام بن نے بکھ بکھ قبائلی علاقان مانہ دھرتی آبا جن جاتیہ گرام اُتکرش ابھیان غے تحت اک کثیر شعبہ جاتی بیداری کیمپ غو انعقاد کیو۔ کیمپ غو مقصد قبائلی آبادی غی مکمل طور ور بھلائی بہتری غی اسکیمیں تک رسائی نانہ یقینی بنانو تھو۔ کیمپ مانہ صحت، آيوش تے مال چوکھر سمیت محکماں نے صحت غی جانچ تے مال چوکھر واسطے مفت سہولت مہیا کرائیں۔ براہ راست رسائی، بیداری، تے ضروری سرکاری خدمات تک رسائی غے ذریعے اس قدم نے انتظامیہ تے قبائلی طبقہ بشکار تعلقات مضبوط کیا ہیں۔

Rajouri Gastro

ضلع راجو ری غا بلاک کنڈی غادھا ر ساگری گراں مانہ کم از کم 35 افراد معدہ غی تکلیف نال متاثر ہوا ہیں۔ ان متاثران افراد وچوں 4 مریضان نانہ خصوصی اعلاج واسطے سرکاری میڈیکل کالج جموں منتقل کیو گیو بے جد کہ باقی تمام مریض راجو ری مانہ طبی نگرانی مانہ ہیں۔
